



Synfocity = 989

mail us at : mzsynfo@gmail.com; mizoramsynod@gmail.com - Phone - 2314648

June 12, 2025

❑ **FG&CC buatsaih 'Chhungkaw kehchhia zir chianna' Seminar**

June 7, 2025 (Inrinni) chawhma dar 10:30 khan Ramhlun North Kohhran Biak Inah FG&CC buatsaihin 'Chhungkaw kehchhia zir chianna' Seminar neih a ni a, Seminar-ah hian kohhran aiawh mi 416 an kal. Seminar hi hun hniha then a ni a. Chawhma hun hi Rev. Lalfakzuala, FG&CC committee member-in a kaihrui a. Rev. Dr. K. Lallawmzuala, Executive Secretary i/c FG&CC-in Keynote Address a sawi a, chumi hnuah Resource person Upa Lalnunsiana Khalthangin, 'Chhungkaw kehchhia zir chianna' paper a buatsaih chu a present a, chawhma hunah hian Tv. Israela Pachuau a zai bawk. Chawhnu hun hi Rev. C. Lalrintluanga, FG&CC committee member-in a kaihrui a, Rev. Lalthangpuia Fanai, Director, FG&CC-in report a pe a, chawhnuah hian sawihonaa hun hman a ni. Tun tum Seminar hi Aizawl Hmar lam tana buatsaih a ni a, March 22, 2025 (Inrinni) khan Aizawl Chhim lam tan buatsaih a lo ni tawh bawk. FG&CC hian 'Chhungkaw Kehchhia Zir Chianna' Seminar hi District Capital hrang hrangah neih zel turin a ruahman a ni. Kum 2023 Synod Inkhawmpuiin a lo rel tawh, 'Chhungkaw Kehchhia kan pun zel loh nana hma lak rawtna' bawhzuina kal zel a ni.

❑ **Mizoram Christian College (MCC) buatsaih National Seminar**

June 5-6, 2025 chhung khan Mizoram Christian College buatsaih "National Seminar on Breaking Barriers : Paradigm Shift in Socio - Political and Cultural Discourse of North East India" tih thupui hmangin Aijal Club-ah National Seminar ni hnih awh neih a ni. He Seminar-in a kawh tum ber chu - India hmar chhak ramte khawtlang nunphung, ram inrelbawlina leh an hnam ziate inher danglam dan zir chianna a ni. A ni khatnaah hian Inaugural function-ah Rev. Dr. Lalchungnunga, MCC Principal hluiin Seminar hi tawngtaiin a hlan a, kal khawmte lawmna thuchah sawitu Principal, Upa Dr. Tawnenga chuan ram chhung leh pawn lam thlenga hlawkpui theih tur seminar standard sang tak, MCC faculty-te inpekna leh Seminar Organizing Committee-te thawhrimna zara a hlawhtling thei ta chu lawmawm a tih thu a sawi. Principal hian College chanchin leh hmalakna hrang hrangte sawiin, seminar tihlawhtling tura kal khawmte chu zirna huang atanga hmasawna tha zawk thlentun ni zel turin a sawm bawk. Keynote Speaker, Prof. Sajal Nag, Distinguished Professor, Royal Global University pawhin thupui pawimawh leh zir tham tak, inbuatsaihna tha tak nena MCC-in seminar an buatsaih chu lawmawm a tih thu a sawi. Dr. Hannah Lalhlanpuii, Seminar Organizing Secretary chuan he seminar hi zirna huang chhung discipline hrang hrangten tangruala ram leh khawtlang tana thil pawimawh an zir chhuaha, an thawh ho theih nana buatsaih a nih thu a sawi a ni. He seminar-ah hian Department hrang hrang atangin Research Scholars leh Faculty mi 67-in paper an present a, Mizoram pawna zirna In hrang hrang 10 chuang atangin an tel thei a, School hrang hrang atanga Panellist thlan chhuah mi parukten sawi hona hun an hmanpui a ni. Seminar ni hnihna hi Technical Session-a hman a ni a, parallel session nen hun sarih-ah then niin, a kharna atan Cultural Evening buatsaih a ni. Mizoram pawn atanga lo kalte pawhin he seminar hi an hlawkpui thu te, Mizo hnam zia leh khawtlang nun mawi an tih thu te, Mizote chu hnam hawihhawm leh ngainatawm tak nia an hriat thu te an sawi a ni.

❑ **Synod Higher Secondary School-in Blood Donation Camp buatsaih**

June 9, 2025 (Thawhtanni) khan NSS Programme Officer-te bul tumin Synod Higher Secondary School chuan Aizawl Civil Hospital tan School Multipurpose Hall-ah Blood Donation Camp an buatsaih. Kuminah hian kum dang aain blood donation camp hi an buatsaih hma a, Aizawl Civil Hospital blood bank-in thisen dah khawl an neih tlem avangin chawpchilh takin blood donation camp hi buatsaih a ni. Tun tumah hian Thisen unit 221 pek niin, mipa 148, hmeichhia 73-in thisen an pe a ni. MSACS leh AVBD hian thisen pe thate hnenah kum tin chawimawina hun an hmang thin a. Higher Secondary School category bikah Synod HSS hian kum 2020-21 session atang khan kum tin a zawn zatin thisen pe tha ber chawimawina an dawng a ni.

❑ **Rualbanlote Ni**

June 15 (Pathianni) hi Rualbanlote Ni a ni a. Synod chuan zan lam inkhawm atan thupui pakhat a ruahman a, tualchhung kohhranin remchang a tih angin chhun lamah emaw zan lamah emaw hman theih a ni.

Kum 1996 Synod Inkhawmpuiin Rualbanlote Ni hman tura a rel chu Synod Executive Committee-in a bawhzui a, June thla Pathianni vawi thumnaa hman turin a rel a ni. Kum 1998 atangin Nilai leh Beihruai Thupui Bu-ah telh a ni a. Lal Isua rawngbawlina chhunzawma rualbanlote kan ngaihsak zel theih nan Kohhranin he hun hi a hmang thin a ni.

Thupui : "Isua, rualbanlote lainata tidamtu"

Bible chhiar : Marka 1:40-45, 3:1-12

❑ **Trust**

June 9, 2025 (Thawhtanni) khan Sihfa Pastor Quarters lungrem tur enpuin Pu Lalramenga Royte, JE a kal.

❑ **Synod Mission Board**

◆ **Nepal Mission Field**

June 7, 2025 (Inrinni) khan belhtu thar pathum an awm.

◆ **Jharkhand Mission Field**

June 8, 2025 (Pathianni) khan belhtu thar 15 an awm a, kohhran pawl dang atangin kan kohhranah mi paruk an rawn inpe baw.

◆ **Calcutta Mission Field**

June 8, 2025 (Pathianni) khan belhtu thar paruk an awm.

◆ **Tripura Mission Field**

June 8, 2025 (Pathianni) khan belhtu thar 16 an awm.

◆ **Headmaster leh Office Assistant (O/A) tharte tan Seminar buatsaih**

June 11-13, 2025 chung hian Devotion Hall, Synod Office-ah Synod Mission Board hnuaia Headmaster leh Office Assistant (O/A) tharte tan Seminar buatsaih a ni a, seminar-ah hian Field hrang hranga Headmaster leh O/A thar mi 14 an tel a ni.

Seminar chung hian rawngbawlina atana pawimawh tur thupui chi hrang hrang - SMB School Administration and Management, Account vawn leh a kaihnawih, Office file vawn, thawktute thlarau nun leh thawh hona, Record & document vawn leh Synod Service chungchang te mi thiam hrang hrangin an zirtir a ni.

Seminar hi June 13 (Zirtawpni) chawhnu dar 3-5 chungin kharna hun hman a ni ang a, Rev. Dr. Rosiamliana Tochhawng, Executive Secretary i/c Mission-in kaihruiin fuihna thuchah a sawi ang.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Bungtlang Bazar Veng			
	leh Venglai	Vanduaina taw	6	₹ 69,000/-
2.	Thingsai	Leimin tuar	2	₹ 24,000/-
3.	Ramthar North	Damlo leh khawsak harsa	2	₹ 20,000/-
4.	Champhai Bethel	Leimin tuar	1	₹ 15,000/-
5.	Buangpui	In chhia	1	₹ 15,000/-
6.	Lailak	Leimin tuar	1	₹ 15,000/-
7.	Siahatla	In chhia	1	₹ 15,000/-
8.	E. Lungdar Vengthar	In chhia	1	₹ 15,000/-
9.	Assam Rifles Kohhran	Damlo	1	₹ 10,000/-
10.	Chawilung	Damlo	1	₹ 10,000/-
11.	N. Chawnpui	Damlo	1	₹ 10,000/-
12.	Thenzawl Field Veng	Damlo	1	₹ 10,000/-
13.	Chhippui	Leimin tuar	1	₹ 10,000/-
14.	Saichal	Leimin tuar	1	₹ 10,000/-
			Belh khawm	₹ 2,48,000/-

- ❑ **Council of Churches in Mizoram (CCM) buatsaih Seminar**
Council of Churches in Mizoram (CCM) chuan a tum thumna atan Lungleia Zotlang North (BCM) Kohhran Biak Inah June 14, 2025 (Inrinni) hian Seminar a buatsaih dawn a. Chawhma lamah paper ngaihthlak a ni ang a, chawhnu lamah sawihona neih a ni ang. Paper thupui chu 'CCM lo pian chhuah dan leh hma lam thlirna' tih a ni a, Resource person chu CCM General Secretary Rev. Dr. Lalmangaiha a ni.
Seminar-ah hian Lunglei khawpui huam chhunga CCM member Kohhran zawng zawngte atangin Pastor, Pro. Pastor, Minister, Pensioner leh Kohhran (Local Church) tin aiawh mi 2 theuh leh CCM hotute tel tura beisei an ni.
- ❑ **FM Zoawi - Aizawl & Lunglei : Hruaina Eng Radio Programme**
June 13, 2025 (Zirtawpni) @ 7:30 p.m. :
Solo : H. Lalmuankimi - Damna kim ka chhar ta, **Zaipawl :** Champhai Vengthlang Bial Zaipawl - Hmangaihna, **Thusawi :** Upa CL Thanmawia - Tihder theih Kristian, **Solo :** Josephine Lalawmpuii - Saltang chhuahna dar, **Zaipawl :** Dawrpui Bial Zaipawl - Lawmna Thuruk Isua
- ❑ **Hruaina Eng TV Programme**
12.6.2025 (Ningani) 08:30 pm : Thupui zir bing
13.6.2025 (Zirtawpni) 05:00 pm : Kristian Naupang Pual
14.6.2025 (Inrinni) 05:30 pm : Puitling Sunday School Zirlai
15.6.2025 (Pathianni) 07:00 am : Sermon (Rualbanlote Ni) - Upa F. Lawmzuala, Bethlehem Vengthlang
08:00 am : Weekly round up
16.6.2025 (Thawhtanni) 08:30 pm : Hruaina Eng luang chhuak - Rozama Chawngthu
17.6.2025 (Thawhlehi) 06:00 pm : Nilaini zan thupui
08:30 pm : Kohhran Chanchin - Zonuam Kohhran
- ❑ **Moderator leh Executive Secretary-te Programme:**
Rev. R.C. Lalinghakliana : Moderator
June 14-15, 2025 Pukzing Bial
June 18, 2025 Ramthar BEC & PES Programme
June 19-23, 2025 Bangalore
Rev. V.L. Luaia Hranleh : Senior Executive Secretary
June 11-13, 2025 Kolkatta
June 16, 2025 MCC Governing Board
June 18, 2025 Service Rules & RR Enthatu Committee
June 21-22, 2025 Bible Society Auxilliary inkhawmpui
Rev. Dr. K. Lallawmzuala : Executive Secretary
June 13-15, 2025 Lunglei - John Williams Hospital Committee & CCM Seminar
June 19, 2025 Central Kohhran Hmeichhe Committee
June 20, 2025 Income Tax Buaipuitu Sub-committee
June 22, 2025 Venghnuai Kohhran
Rev. Dr. Rosiamliana Tochhawng : Executive Secretary
June 6-13, 2025 Cambodia
June 17, 2025-a Synod Officers' Meeting (OM)-ah Moderator leh Executive Secretary-te an thu ang.

HRIATTIRNA

Synod Executive Committee (SEC) thut hun June 3-5, 2025, Synod Calendar-a lo dah tawh chu ruahsur nasa avanga leiminin Mizoram min tihbuai avangin thulh a ni a. SEC thut hun atan hian OM 12:2 of 3.6.2025 chuan June 25-27, 2025 a ruat a ni.

Sd/-
Upa Vanlalsawma Siakeng
Synod Secretary, Mizoram Synod

MIZORAM CHRISTIAN COLLEGE ADMISSION CHUNGCHANG**1. Kum 2025 atan admission chungchang:**

Kum 2025-2026 Academic Session thar atan April 23, 2025 atangin admission tih theih a ni a, admission dil hmasa apiang duhsak an ni ang. MCC-a zir tumte chuan College website www.mizoramchristiancollege.edu.in ngaihven theih a ni a. Tin, hriat chian duh nei tan Lalrinzuala (Ph: 9612568456) hnenah zawh fiah theih a ni baw. Pawl 12 pass tawh tan admission hi a tih theih reng a, result nghak mek tan pawh Provisional admission tih theih a ni.

2. MCC-a Subject lak theih leh Fees:

B.A. zir duh tan English, Mizo, Political Science, Public Administration, Sociology subject a awm a, Bachelor of Commerce (B.Com) leh Bachelor of Business Administration (BBA) te a zir theih baw. Thla tin Tuition Fee hi - BA zirlai tan Rs.2,000/-, B.Com leh BBA zirlai tan Rs.3,000/- a ni.

3. Tuition Fee awl theih dan:

Class-12 result-a 80% marks hmu chinte chu 1st Semester an zir chhungin Tuition Fee awl an ni ang a, Class-12 result-a 75-79.9% marks hmute chu 1st Semester an zir chhungin 50% Tuition Fee awl an ni baw ang. Hei bakah hian MCC zirlaite chu Semester Exam-a SGPA 9 leh a chung lam mark hmute chu Tuition Fee pum pui awl an ni ang a; tin, SGPA 8 - 8.9 hmu chinte pawh Tuition Fee a chanve awl an ni ang. Kohhran emaw, Kohhran Hmeichhia, KTP, Kohhran Pavalai Pawl, Pawl leh mi mal ang pawhin MCC zirlaite hi an Tuition Fee Semester khat chhung zel pek saka sponsor theih an ni.

4. University Results:

Mizoram University Under Graduate Exam Result chhuak hnunung ber Even Semester 2024-ah khan MCC chuan result tha tak kan nei a. University Top 10 rank holders hi mi pathum kan nei. Chungte chu - Public Administration Department-ah pakhatna (Gold Medallist), English Department-ah pathumna leh Sociology Department-ah pangana te kan hauh a ni.

Sd/-

Upa Dr. Tawnenga
Principal

Mizoram Christian College

SYNOD BOOKROOM LEHKHABU CHHUAK THAR - MAY, 2025

1. Mizoram 7 Golden Articles Vol - II:	₹ 150/-
2. Ka ro duhawm ber: Henry Lalmawizuala	₹ 300/-
3. Ama kutin min hruai zel thin: C. Laizawna	₹ 200/-
4. Chhanna dik: Synod Campus Ministry	₹ 80/-
5. Modern Indian History Part 1 & 2 (Mizo): Remlalliana	₹ 300/-
6. Mizo lal Zakapa (Hnam chhantu): Dr. Lalthuangliana Khiangte	₹ 280/-
7. Indigenous Tribal Warrior Pasaltha Khuangchera: Dr. Lalthuangliana Khiangte	₹ 450/-
8. Lalnu Ropuiliani: Dr. Lalthuangliana Khiangte	₹ 450/-
9. Runginu leh Thialtea:	₹ 250/-
10. Science leh Kristianna - A indo em?: Krista Rohuahpuia	₹ 300/-
11. Esopa Thawnthu Fing: Synod Literature & Publication Board	₹ 200/-

